



Publicaziuns officialas dils 06-03-2009

Damondas da baghegiar

Nr. 15/2009

Datum da publicaziun: 06-03-2009

Patrun: Olga Walder, 7031 Laax

Representant: Paul Wenzin, 7173 Surrein

Object: Construcziun d'in niev tgamin per il scaldament d'ieli vid la casa nr. d'assec 426 sin la parcella nr. 5198 a Rabius, Staziun.

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 06-03-2009

Cumissiun da baghegiar Sumvitg

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, Mars 2009

Departament stradal

Reducziun dallas premias dalla cassa da malsauns

Persunas che han aunc buca retschert direct dalla cassa da cumpensaziun in formular d'annunzia, han la pusseivladad da retrer quel directamein tier la cassa da cumpensaziun AVS en canzlia. Las annunzias pigl onn 2009 ston esser inoltradas entochen sil pli tard ils 31-12-2009.

Sumvitg, 06-03-2009

Cassa da cumpensaziun AVS

Inoltraziun declaronza da taglia 2008

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2009** per personas cun activitad da gudogn dependenta, scolars, students, pensiunai, disoccupai.
- **30 da settember 2009** per personas cun activitad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2009** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Prolungaziun dil termin

Damondas per ina prolungaziun dil termin ein d'inoltrar agl uffeci da taglia communal a scret avon ch'il termin da declaronza croda. Las damondas vegnan mo rispundidas, sche quellas san buca vegnir risguardadas ni mo per part.

Persunas che han buca retschiert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che maunca aunc pretendida.

Quen da taglia communal provisoric 2008

L'jamna passada ei il quen da taglia communal provisoric per 2008 vegnius distribuius als pagataglias.

Tenor art. 43 dalla lescha communal da taglia valan ils suandonts termins da pagament.

- enteifer 30 dis: 2 % sconto (28-02-2009)

- enteifer 90 dis: netto (30-04-2009)

Per il pagament da sconto ei il schec postal remarcaus cun "sconto" d'utilisar.

Informaziun

Davart damondas stat igl uffeci da taglia communal a disposiziun.

Sumvitg, 06-03-2009

Uffeci da taglia Sumvitg

Naschientscha

Deplazes Elia Lara, naschida ils 21-02-2009 a Glion, affon da Daniel e Ladina Deplazes, sesents Cumpadials, Laus 233.

Sumvitg, 06-03-2009

Controlla da habitonts

Clom d'urgenza 118 Agid dils pumpiers da tuttas uras!

Per saver garantir l'organisaziun en cass d'urgenza supplichein nus tuts convischin(a)s d'alarmar ils pumpiers adina sur la numra da telefon dil clom d'urgenza **118** e buc d'empruar da contactar pumpiers sin basa privata. Vus levgeis cheutras la lavur al corp da pumpiers e scursanis il temps d'alarmaziun marcantamein. Nus engraziein a Vus per Vies sustegn.

Sumvitg, 06-03-2009

Corp da pumpiers da Sumvitg

Exercezis e scolaziun pumpiers vischnaunca Sumvitg

Cader:

gievgia 30-03-2009 Surrein
gliendisdis 17-08-2009 Breil
mesjamna 19-08-2009

Entir corp:

mesjamna 22-04-2009 Surrein
mesjamna 29-04-2009
gliendisdis 04-05-2009
sonda 13-06-2009 DPA
venderdis 21-08-2009
gliendisdis 24-08-2009
mesjamna 26-08-2009
mesjamna 09-09-2009

Schurmetg da flad:

mesjamna 15-04-2009 Surrein
mesjamna 22-04-2009
mesjamna 29-04-2009
gliendisdis 04-05-2009 Trun
sonda 13-06-2009 DPA
venderdis 21-08-2009 Surrein
gliendisdis 24-08-2009
mesjamna 26-08-2009
mesjamna 09-09-2009
mesjamna 21-10-2009

Ils exerchezis entscheivan punctual allas 19.30 uras. Vies cumandant: Marc Cathomas

Pleiv Sumvitg/Cumpadials, Dumengia da Suppa, 15-3-2009

Nies plevon sur Benny ensemen cun il cussegl pastroral e la gruppa da liturgia dalla pleiv Sumvitg/ Cumpadials envidan tuts parochians **dumengia, ils 15 da mars 2009** tier il survetsch divin ed in sempel gentar da cuminonza en casa da scola Sumvitg. Duront il survetsch divin astgein nus emprender d'enconuscher la patria da sur Benny ed el raquenta a nus sur dil viver en las Indias. Silsunter envidein nus Vus tuts ad in sempel gentar da Cureisma. Lein demussar solidaritad cun il pievel ellas Indias cun prender stediamein part a quella sentupada. L'unfrenda da quella dumengia surdein a sur Benny per ina casa d'affons en sia patria. Nus engraziein gia ordavon per Vies sustegn. Sur Benny ed ils responsabels dalla pleiv Sumvitg/Cumpadials

SCOLAS VISCHNAUNCA SUMVITG DIS DALLAS PORTAS AVIARTAS

Ils affons da scola e las personas d'instrucziun dallas **scolettas, scolas primaras e scolas superiuras** envidan era uonn tuts geniturs ed interessai da visitar il menaschi da scola. **Gievgia e venderdis, ils 12 ed ils 13 da mars 2009** selegnan scolars/as e personas d'instrucziun da demonstrar a tuts interessai tgei che succeda en stanza da scola. Nus supplichein d'esser presents mintgamai all'entschatta dallas lecziuns. **Adatg!** Las duas mesjamnas suentermiezdi, ils 15 d'avrel ed ils 27 da matg 2009, vegn fatg scola per cumpensar la punt da venderdis, ils 22 da matg 2009 (suenter il firau d'Anceinza). **Finiziun digl onn da scola 2008/2009:** Igl onn da scola finescha **venderdis, ils 19 da zercladur 2009.**

Cussegl da scola Sumvitg

Uniun da catschadurs Greina, Sumvitg

www.catschadurs-greina.ch

Tscheina da catschadurs cun rangaziun da trofeas. Nossa sera da catschadurs ha liug: **Sonda, ils 14 da mars 2009 allas 20.00 uras el hotel Greina, Rabiis. Naven dallas 19.30 uras** aperitiv cun contemplaziun dalla preit da trofeas.

Cordialmein envida *il comite d'organisaziun*

Ruaus per las selvaschinas

Sinquei che las selvaschinas han da sbatter uonn cun in enorm stregn e criu unviern, vulein nus metter a pèz ad in e scadin da Vus, preziadas convischinas e convischins, da buca disturbar las selvaschinas en lur quartiers da viver e ruaus. Gest ussa, cura che lur reservas digl onn vargau van da rendiu, ei quei ruaus immens impurtonts ed evidents, per che las selvaschinas sappien survivor. Era quels che serendan sin la tscherca da corna sperein nus, ch'ei setegnien vid quei giavisch e prendien risguard! Sperond sin Vossa capientscha e compassiun per la selvaschina salida *l'uniun da catschadurs Greina, Sumvitg*

Meisa da miezdi (gentar communabel) dalla Pro Senectute a Surrein

La Pro Senectute Surselva organisescha ensemen cull'ustria Greina ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quell'ocasiun cun star suentermiezdi da cumpignia cun dar in scart troccas ni auters giugs.

Liug: Ustria Greina, 7173 Surrein

Datum: **venderdis, ils 13 da mars 2009** allas 12.00 uras

Prezi: 16.– francs per persona cumpru gentar cun dessert e caffè

Annunzias: Ein da far entochen **gievgia allas 13.00 uras** tier Ustria Greina a Surrein, tel. 081 943 18 68.

ProSenectute Surselva: Niev!

Co retrer bigliets dils automats novs dalla Viafier retica?

Ils automats novs da retrer bigliets dalla Viafier retica reageschan cun tucar en. Quei ei niev e nunusitau. En nos cuors muossan ils collaboraturs dalla Viafier retica el liug co ils automats funcziuneschan ed els segidan d'emprender co sesurvir sesez.

Menader: Christian Pircher
Liug: **Trun alla staziun**
Datum: **mardis, ils 17 da mars 2009**
Temps: 14.15–16.15 uras
Annunzia: tochen ils **10 da mars 2009** tier Pro Senectute Grischun Alexanderstrasse 2, 7000 Cuera telefon 0844 850 844 (tariffa locala)

Pro Senectute Surselva: Neu!

Wie bediene ich die neuen Billettautomaten der RhB?

Die Bedienung der neuen Billettautomaten der RhB, die auf Berührung reagieren, ist neu und ungewohnt. In unseren Kursen zeigen Mitarbeiter der RhB **vor Ort**, wie die Automaten funktionieren, und verhelfen zu den nötigen Kenntnissen zur selbständigen Bedienung.

Leitung: Christian Pircher
Ort: **Trun am Bahnhof**
Datum: **Dienstag, 17. März 2009**
Zeit: 14.15–16.15 Uhr
Anmeldung: bis **10. März 2009** bei Pro Senectute Graubünden, Alexanderstrasse 2, 7000 Chur, Tel. 0844 850 844 (Lokaltarif).

Das ausführliche Kursprogramm von Pro Senectute Graubünden mit allen Angeboten kann bei der Beratungsstelle in Ilanz, Tel. 081 925 43 26, oder bei der Geschäftsstelle in Chur, Tel. 081 252 75 83, bezogen werden.

Biblioteca Trun

Liug: Center communal (2. alzada)

Info: www.biblioteca-trun.ch; Info: biblioteca@trun.kns.ch

Uras d'emprest/Öffnungszeiten

Gliendisdis/Montag 15.30–17.00
Gievgia/Donnerstag 15.30–17.30
Venderdis/Freitag 19.00–20.30

durant las vacanzas da scola/ während der Schulferien: Venderdis/Freitag 19.00–20.30

Per scolas, uniuns ni gruppas ei la biblioteca aviarta tenor cunvegnientscha. 081 943 26 90.
Nus selegrein da Vossa viseta. *Il team dallas bibliotecaras.*

Biblioteca populara, Mustér

Liug: Casa da scola, tel. 081 947 52 90.

biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per Email saveis vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger...tedlar...mirar...!

Nus selegrein da mintga viseta.

Biblioteca populara Mustér